

重修隆平縣志序

古者輶軒驚羽總知四方治忽以詔於王朝而頒之政事典冊明文披簡如在一方之吏治民情山川土田古今興廢之故一展卷而燦若列星皆於志乎取之隆平舊志創自前明崇禎年間至今百有餘年朽蠹之餘傳聞異詞幾不可考余受事之初不遑將事越三年奉檄開渠求所為蓄洩之方旱潦之備按冊以求而端緒茫不可得乃遍歷高下原濕周覽地勢博觀輿情略得其大概連歲來五穀時熟民氣以和乃謀之學博李君性香王君荆庵偕邑之紳士相與經紀其事章程粗具將次就役維時

制府方公奉

天子詔偕 宮保阿公 少宰裴公查勘河道會同 監司揆公 郡伯

鄭公 司馬宋公 刺史金公周行郡縣駐節隆邑爰命文渙取志

書以進見殘編斷簡漫漶不可考因令亟加修輯以存掌故是歲冬乃徵集諸書悉心編校分別十門比事屬詞次第成帙閱數月而書成凡疆域之廣袤財賦之盈虛戶口之登耗禮樂制度之修廢文章節義之盛衰搜訪補葺務祈犁然畢具而又懼其華而不寔質而鮮

當也詳慎以紀事博採以徵實俾百十餘年之文物典章於茲稍備藉以仰承

德意而謏劣不文多所挂漏以繼先民著作則不能無憾焉他日觀風問俗輶軒所至式採而擇之則區區補綴亦官斯土者報政之一端也是為序

乾隆二十九年甲申歲仲秋之上浣穀旦

特授文林郎知隆平縣事加一級紀錄六次又記功二次崇仁袁文漢書

重修隆平縣志後序

隆平為禹貢大陸澤故地無名山巨鎮四望皆平疇大野是以得名我

國朝雍正二年乃更隸為趙州屬邑夫邑必有志山川風土文物典章其間興廢沿革之故胥於是乎在舊志創於前明萬歷年間至崇禎二年邑令陳公所學曾續修之自是以來書缺有間而採風問俗幾無所藉亦官斯土者之責也余從兄約軒自己卯冬來蒞茲邑披閱故志見遺編斷簡引為己憂而縣治又介於任邑寧晉南北二泊之

間為衆流所委注比年水潦偏災勞不得息蓋有志焉而未逮也癸未秋始捐貲倡修邑之縉紳士庶咸樂從之遂延鄉孝廉同年江君耕田董其事經始於癸未之冬告成於甲申之秋維時余以假省歸里路過隆平吾兄出其志稿一帙屬以一言為殿余展讀再三其發凡起例倣古陸清獻公靈壽志分列十門每門冠以小引間增論說畧其所不可知詳其所可知計自前明至今中間歷年一百三十有五更邑宰者三十四人而廢修墜舉考獻稽文一時信史之傳得於吾兄之手訂者為不尠矣蓋自吾兄令隆五載以來修舉義學開濬溝渠崇實黜浮擘畫利弊凡所以為士習民生計者靡不慮忝厥職為兢兢則邑人士所共見聞邑乘之修特為政之一端也於是乎書時

乾隆二十九年歲在甲申秋九月之吉

勅授文林郎內閣撰文中書舍人兼管內府中書科事務加一級袁文邵
拜撰并書

縣志舊叙 崇禎二年

邑令陳所學太湖

粵稽書叙九丘詩陳列國猶今所稱郡邑志也當時太史采之用以正得失昭勸懲而一代之史犁然畢具蓋分之為志合之為史則邑志之必不可廢從來遠矣隆志自神廟戊子令君林纂輯後至今四十餘年時遠事湮若滅若沒幾不可復識縉紳父老及諸文學憂之造余言曰今聖人御宇世運聿昌廢修墜舉功令煌煌曾是邑乘鉅典而不為釐正可乎况夫時際休明文獻缺畧甚非所以承昌運昭往憲來也維子大夫圖之予曰唯唯否否夫吏人職吏事耳頃主上聖神宗核名實簿書小吏方惴惴救過不給何暇論繩墨之外雖然余實有責焉夫余既承乏茲土而名公巨卿之勲猷不著孝友嫻睦之善行不傳政事之得失風俗之醇澆與戶口財賦之繁耗不備是余罪也諸君子生長於斯曷出所記憶筆之毋泛毋畧毋徇所請毋臆所私共偕大道以光昭鉅典俾余藉手襄事得效尺寸於吏事外乎則所厚望於諸君子者時諸文學趙生煜等毅然任之各筆所記憶請校余三讓不敏不可得於是乃踵前志續葺之凡兩越月而書成昔荀仲豫稱志有五義缺一不可余何敢望惟是詮次舊聞羅列

往事以毋致愆忘異日者天子為國家圖不朽令太史采風問俗而
博求故實庶一邑之文獻為有徵耳先是司寇郎趙公奉命恤陝歸
里中言之甚悉頃從都中為叙弁諸首矣事竣聊識其顛末若此

縣志原叙崇禎二年

主事趙 炯邑人

夫縣之有志亦猶夫國之有乘也國無乘則一代之因革山川之流峙人文之盛衰風俗之美惡與夫忠臣孝子義夫節婦迨水旱盜賊之變茫無所考是以先王採風問俗集郡邑志彙成一代之史一披帙而曉然於天下者良有以也余邑雖彈丸地然在漢封拜則有任侯教五代秉鈞則有符氏父子弟兄而鄭君贊道王君贊各以名才樹勲本朝英豪輩出地且以人重矣至宋元兵火殘之黎元幾盡迨我國家列聖相承培養日久聲名文物熙然蔚然藉令文獻不備又何以紀往事而詔來茲乎矧萬歷戊子林侯纂修後垂今幾五十年所時移世易其間忠孝節義不無湮沒水旱祲祥不無缺畧人文漸盛則有事業之可紀風俗日靡則有紛華之當禁至於字畫剝落多亥豕魯魚之訛編次失倫貽掛一漏萬之謂則今日者又釐舊更新之一會也幸我邑侯陳公以大方宿儒來牧吾邑剔蠹釐奸刑清政簡凡所厝畫悉根真心實意中流出其循蹟俱在民口碑間三年課最後縉紳暨青衿士舉修志懇公再四公乃始任之因以採集責余兄煜而較其煩簡正其得失悉出公手志成索叙於余余方以虜患奉

命督餉朝夕拮据不暇叙又不敢不叙以紀其事是役也公暨林侯
輝映後先其造於吾邑豈淺鮮哉當於國乘並垂不朽矣是為叙

隆平縣志同修姓氏

纂修

知

隆

平

縣

事

袁

文

煥

崇

仁

參閱

教

諭

李

廷

對

蔚

州

訓

導

王

璽

正

定

較梓

典

史

何

兆

玉

會

稽

編次

甲

辰

科

進

士

岳

生

夔

邑

人

丙

午

科

舉

人

李

青

巖

戊

午

科

舉

人

曹

禹

勲

辛

酉

科

舉

人

張

令

侶

考訂

恩

貢

生

趙

良

兆

恩

貢

生

蕭

先

難

經理 生生廩增附 采訪 生生增增廩 協修 歲拔拔

貢貢

貢貢貢

員員生生生
劉孟馬楊張
汝養重克
翼元會果係

員員生生生
趙王武趙張
天之士前
桂賓立森範

生生生
閣翬張
天澄懷
祥心仁

監生生生生生生生生廩候附癸戌

酉午

選

貢科科

千

舉舉

生	員	員	員	員	員	員	員	員	員	生	總	生	人	人	
國	蘇	盧	李	國	鞏	閻	程	武	董	趙	屈	李	董	宋	宋
旭	永	希		必	德	元	銑	炳	瞻	文	應	有	鳳	天	湯
瞻	清	聖	俊	芳	基	報	龍	文	雲	炬	時	容	舉	成	駿

監 監 監 監 監

生 生 生 生 生
輩 曹 輩 岳 曹
元 步 存 祖
掄 午 心 武 沅

隆平縣志

凡例

一舊志創於明萬歷年間前令林公天秩繼修於崇禎年間陳公所學皆意主於修明然寥寥篇幅不全不備屈今百有餘年未經纂葺撫茲殘卷大費躊躇茲采輯諸書博參史傳拾遺補闕考其信而有徵者著之於篇雖悉心編摩未敢信其詳備然於邑之文獻則不無少補云

一作志分綱立目此定例也陸清獻公靈壽縣志分為十門每門立小序又加論於其後茲志分門仍冠小引間立論說或以其事理參差今肯頓殊不得不條析斟酌也

一舊志分九門義例錯雜今仿靈壽志分別十門紀事徵實依類附入令循覽者如親指掌焉

一舊志分野沿革河渠人物志內落落數行頗多殘闕今博採增入者十之八九然尚惧搜羅未廣不免罅漏

一舊志無封爵今按畿輔通志所載烏氏侯賀廣阿侯任教皆封爵於此土者也靈壽縣志以封爵冠官師之首茲志從之

一舊志選舉內牽人孝義遺逸節婦又次遺逸於節婦之後非志體也今悉正之

一舊志學校祠祀僅載寢廟基址今改入建置內其增學校典禮二編皆舊志所來有也

一隆邑地行民勤而苦於水患故於河渠辨論獨詳今蒞斯土者得所依據以重加經畫焉

一田賦志內止就現在徵收例額逐條載入其歷年增減裁復並詳賦役全書茲不悉載

一聖諭廣訓他志多不具載惟恐鄉曲寒畯家無藏書因謹錄之以備觀省亦風教之一助云

一武備前志未及自雍正二年設立外委一員今附志於官師

一人物分類紀載原本作史之例舊志雖分而類叙不合今旁採諸志論其行事參以見聞斟酌分別以次序列其德行道藝雖同類之中亦有美善之分焉

一官師人物內有嘉言懿行確然可據者採擇書之惟現在之人

應俟後之論定

一名官政蹟舊志止存俾文一二其德政可傳者即於官師志內紀其梗概以志不謬

一藝文志無關於地方人物及詞不雅馴者概置不錄

隆平縣志目錄

圖

縣城

縣署

學宮

書院

義倉

河渠

第一卷

地里志

分野

沿革

疆域

河渠

第二卷

建置志

城池

衙署

文廟

義學

公廨

養濟院

第三卷

田賦志

地糧

學田

徵收

留支

工食

鹽引

第四卷

典禮志

慶典

迎春

祀典

器數

祝文

第五卷

學校志

綸音

安設

書籍

第六卷

官師志

封爵

令長

知縣

縣丞

第七卷

選舉志

徵辟
武弁

進士
鄉賓

舉人
封典

貢生
雜職

例貢
廩襲

武進士

武舉

第八卷

人物志

忠烈
儒行

名臣
隱逸

武功
善行

仕蹟
俠義

孝友
烈女

第九卷

事紀志

雜記
災祥

第十卷

藝文志

疏表

碑記
辨

記說

序
各體詩

文

關新縣志